




Te Avae Atete 1960

TE HEHEURAA API

Te Amuraa Maa Hopea

(Mataio 26)

Ua tae faahou mai te tau no te Oro'a Pasa, o te haapao-hia i te mau matabiti atoa, i rotopu i te mau ati Iuda ra. Ua opua Iesu, e te Ahuru e Ma Piti i te amui atoa'tu i tana oro'a ra. Area te oto noa ra Iesu no te mea ua ite oia e, te fatata noa maira to'na mau mahana hopea ra.

Ani atura oia ia Petero, raua o Ioane, i pihaiho ia'na e na ô atura ia raua, "*A haere, a faanahonaho i te pasa ia amu tatou.*" Ua ui maira raua ia'na, "*Eihea mâua faanahonaho ai?*" Ua parau atura oia ia raua, "*Inaha, ua ô ana'e orua i te oire, e forerei mai te hoê taata ia orua ma te farii pape i te hopoiraa, e pee atu orua ia'na e i roto i te fare ta'na e tomo ra, a parau atu ai orua i te taata utuafare ra, Te ui maira te Orometua ia oe, Tei hea to te manihini piha ia amu vau i te pasa e ta'u mau pipi atoa? E na'na e faaite mai ia orua i te hoê piha rahi atuatu tei nua; ei reira faanahonaho ai.*"

Ite atura raua i te taata mai ta Iesu i parau mai ia raua ra, haere atura i te fare e faauebenehe atura i te piha i nia no ta ratou putuputuraa. E i reira haere atura Iesu, e te Tino Ahuru e Ma Piti ra, ma te amui atoa'tu ia Iuda, i roto i taua piha i nia ra e parahi ihora e ati noa a'e i te iri amuraa maa i faanahonahohia ra. Parau atura te Fatu, "*Hinaaro rahi to'u i te amu i teie nei pasa, o vau e outou atoa. a pohe atu ai au.*" I reira rave atura oia i te pane, vavahi ihora e haamaitai ihoaa i te reira. I muri a'e i To'na horoaraa i te reira i te Ahuru e Ma Piti ra, parau atura oia ia ratou e, ia amu ratou i te reira pane, i vavahibia, ei haamana'oraa i to'na ra tino o te faasataurohia ra. Rave ihora oia i te au'a, tei reira te uaina tei mâtauhia no te inu i te reira tan, haamaitai ihora i te reira e ani atura ia ratou ta taitahi ia inu atoa i te reira. Parau atura oia e, ia inu ratou i te reira ei haamana'oraa no to'na ra toto o te haamanuhia, ia pohe oia, no te mau hara a te mau taata atoa.

Ua mairihia te reira oro'a i te i'oa ra te Amuraa Maa Hopea, no te mea o te taime hopea te reira i amu ai oia i te maa e o ratou ra. To'na opereraa i te pane, e te uaina, ei haamana'oraa no to'na ra pohe, o te haamataraa ia te reira no te Oro'a a te Fatu. E mai te reira mai â tau, na haapao te man melo atoa o te Ekalesia i tana oro'a ra ei haamana'oraa i to'na ra pohe. I to taton nei mau mahana ua horoa mai te Fatu, na roto i te hehenraa, te huru o te pure e purehia'tu i te taime ia pûpûhia te Oro'a i nia i te amuraa maa, e ua faatia oia ia taton ia rave i te pape ei mono atu i te uaina; ua riro te pape ei inuraa tumu i teie nei mau mahana, mai te pape o te vine, tei parauhia e ratou e uaina, i i riro ei innu no te mau taata i te fenua Paletetina, no te mea e ere ta ratou pape i te mea maitai ia innu.

E i reira faaite atura Iesu, i ta'na mau pîpî, na fatata te taime e taparahibia'i oia e te ati Iuda. Ua faahitimahuta oia ia ratou a parau atu ai oia e, e haavare te hoê o roto ia ratou ia'na. Peapea roa a'era te tahi pae Ahuru e Ma Hoê ra i te reira parau. Aita ratou i mātā'u no'na ia, no ratou iho râ. Te maere ta taitahi noa ra ratou e, o vai ra te taata haavare.

Na ô atura Iesu, "*A hi'o mai na, tei nia atoa te rima o te taata e haavare mai ia'u i teie nei amuraomaa.*" Haere atura te peapea o te mau pîpî i te rahiraa. Ua rave rahi to ratou tei ani atu e, "*E te Fatu, o vau anei?*"

Parau atura te faaora, "*O te tuu i to'na rima e to'u atoa i roto i te au'a nei, oia te haavare mai ia'u. Te haere nei â hoi te Tamaiti a te taata nei i tei papaihia no'na ra; area tana taata e haavare mai i te Tamaiti a te taata nei, a tae hoi oia? e maitai te reira taata ahiri aita i fanau mai.*"

Ui atoa maira Iuda, "*E Rabi o vau anei?*"

Na ô atura Iesu, "*Oia ia*" e horoa'tura oia i te maa na Iuda no roto mai i te au'a. E i reira parau atura oia ia Iuda, "*Tu se e rave ra ia peepee i te rave,*" e haere atura Iuda i te mau ati Iuda ra, "*e ua po i reira ra.*"

E i muri a'e i te amuraa maa ra, tia a'era Iesu i nia, iriti ihora i to'na ahū no rapae ra, e taamu ihora i te hoê tauera i nia ia'na. Nini ihora oia i te pape i roto i te hoê au'a e haamata ihora i te horoi i te avae o te mau pîpî, e i te tamaro atu i te tauera ra. Haere maira Petero ia'na i te na ôraa mai e, "*Eiaha roa oe e horoi i to'u avae.*" Na ô atura Iesu, "*Ia ore au ia horoi ia oe ra, aita roa a oe e faufaa ia'u nei.*"

I reira parau atura Simona Petero, "*E te Fatu, eiaha maori tau avae ana'e ra, o tau rima atoa e tau upoo atoa hoi.*" Pahono atura Iesu, "*O tei hopu ra, atira ia, maori râ o ta'na avae ana'e te horoi.*"

I to Iuda haereraa i rapae, na ô atura Iesu, "*Ua maitai te Tamaiti a te taata nei i teie nei, e ua maitai hoi te Atua ia'na. E au mau tamarai nei, no parahirahi a'e au i o outou nei, e imi outou ia'u; e ta'u i parau atu i te oti Iuda ra e, Te vahi ta'u e haere nei e ore outou e tae i reira, ta'u ia parau ia outou i teie nei. E tuu atu vau i te parau apî na outou, E aroha outou ia outou iho, mai ia'u e aroha tu ia outou na, e aroha atoa hoi outou ia outou iho.*"

Ui atura Petero, "*E te Fatu, e haere tia oe i hea?*" Aita roa oia i feruri noa a'e ua fatata te Fatu i te faasatan-rohia.

Pahono maira Iesu, "*I teie nei vahi ta'u e haere nei, eita e tia ia oe ia pee mai ia'u i teie nei; e pee mai râ oe ia'u a muri atu.*"

Na ô atura Petero, "*E te Fatu, eaha i ore e tia'i ia'u ia pee atu ia oe i teie nei?*" E horoa hoi au i to'u ora no oe."

Ua parau maira Iesu ia'na, "*E horoa oe i to oe ora no'u e? Amene, amene, e parau atu vau ia oe, e ore e aaoa te mea i teie nei rui a toru atura o oe hunaraa ia'u.*"

Tamahanahana ihora oia i ta'na mau aposetolo a parau noa'tu ai oia no to'na pobe e fatata maira. E i teie nei te vaiiho atura oia i te ohipa i nia ia ratou. Ua faaara oia ia ratou i te mea e haere mai te mau enemī i nia ia ratou, mai ta ratou i haere mai i nia ia'na ra. Na ô atura oia, "*E te fatata mai nei hoi te hora e mana'o ai te taata e taparahi ia outou na e ua haamori oia i te Atua.*"

Fafau maira Oia ia ratou e, e horoa mai Oia i te Horoaraa no te Varna Maitai, e ua parau mai oia e, na te Varua Mo'a e aratai ia ratou i roto i te parau mau, e i te faaite mai ia ratou i te mau mea e tupu mai. Ua pure Oia, e a nânâ ai Oia i to'na mata i nia, na na ô oia, "*E tau Metua, ua tae i te hora; a haamaitai i to Tamaiti, ia haamaitai atoa hoi to Tamaiti ia oe. E teie nei, e tau Metua, e haamaitai mai oe ia'u i mua i to aro na i te mau maitai no'u ia oe hou teie nei ao ra.*"

Pure atoa'tura Oia no te man aposetolo ia riro ratou ei hoê i roto i ta ratou mau ohipa, mai ia Iesu e te Metua i hoê atoa i roto i te ohipa.

Marcel Bonnet

La Mission de l'Eglise et de Ses Membres

Aujourd'hui, au milieu des perplexités du monde, la question ne devrait même pas se poser à l'esprit du vrai Saint des Derniers Jours, de savoir quelle est sa mission. La réponse est claire comme le soleil de midi sans nuage.

En l'an 1830 fut donné aux peuples du monde un plan divin, grâce à quoi les individus peuvent trouver la sécurité et la paix de l'âme, en vivant dans un accord harmonieux avec leurs semblables. Parmi toutes les théories et les expériences humaines, dès le début de l'histoire, l'intelligence des hommes n'a jamais inventé un système qui, appliqué à leurs besoins, approche même de ce plan en efficacité. En termes simples, telle est la parole que nous devons prêcher et vivre, le plan de salut selon l'Evangile:

Premierement: Prêcher et vivre, à propos et hors de propos, la foi en Dieu le Père Eternel, en Son Fils Jésus-Christ et au Saint-Esprit.

Deuxiemement: Proclamer que la base de ce Plan évangélique est le caractère sacré de l'individu, que l'oeuvre et

la gloire de Dieu sont “d’amener l’homme à l’immortalité et à la vie éternelle”. (Moïse, 1:39.) D’après ce principe, c’est une grande imposture, sinon un crime, de priver un homme du droit de parler, d’adorer et de travailler.

Troisièmement: Prêcher et vivre dans la conviction que les gouvernements ont été institués par Dieu au bénéfice de l’homme. L’homme n’est pas né pour que l’état en profite. Prêcher que “...nul gouvernement ne peut exister dans la paix”, et je cite Doctrine et Alliances, “sauf en formulant des lois et en les respectant, afin d’assurer à chaque individu le libre exercice de sa conscience, le droit de disposer de sa propriété et la protection de sa vie”. (D. et A. 132:2.)

Quatrièmement: Proclamer que le Fils bien-aimé de Dieu, le Rédempteur et le Sauveur de l’Humanité, est le chef de Son Eglise, qui porte Son nom et guide et inspire ceux qui sont autorisés à Le représenter sur terre, autorisés par la prêtrise, que des messagers célestes conférèrent au Prophète Joseph Smith et à ses compagnons, avec l’autorisation divine.

Cinquièmement: Vivre et prêcher que les liens de famille sont sacrés et la perpétuation de la famille, la pierre angulaire de la société.

Sixièmement: Prêcher et vivre la responsabilité de déclarer ce plan de vie, ce mode de vie, ce plan de salut, qui repose entièrement sur les membres de l’Eglise, en particulier ceux qui ont été ordonnés selon la prêtrise, et ont été appelés à être les chefs et les serviteurs du peuple.

Dieu bénisse cette Eglise! Elle s’étend au monde entier. Son influence doit s’exercer sur toutes les nations. Que l’inspiration divine soit accordée à ceux qui ont la prêtrise et la responsabilité de déclarer au monde la restauration de l’Evangile de Jésus-Christ.

Te Tuhaa Ahuru

(Deuteronomi 14:22-25.)

“E faariro oe i taua tuhaa ahuru ra ei moni i reira; a rave ai i taua moni ra i to rima, a haere ai i te vahi i haapaohia e to Atua ra e Iehova.”

E ere roa te tuhaa ahuru i te hoê noa iho ture tei feruri noa hia e te hoê feia faatere, e aore râ, e te hoê noa iho pūpū taata, e aore râ, e te hoê noa iho Basileia. E ere atoa ia i te tahi ture natura noa iho. Ua Riro Râ Te Ture No Te Ahururaa, Ei Ture Tumu e Te Mure-Ore No Roto Mai i Te Vaha Iho o Te Atua. (Malaki 3:7-10; Genese 14:18-20; 28:20-22; Levitiko 27:30-33.)

E no reira na ite tatou e, na te Atua iho teie nei faaneraa mai i te taata nei ia haapao i te tuhaa ahuru. E ere roa'tu na te hoê noa iho taata i te tino nei, e aore râ te hoê noa iho pūpū taata, e aore râ e te hoê noa iho Basileia, e aore râ na te hoê arii mana rahi i roto i teie nei ao, Maori Râ, Na Te Arii Mure-Ore i Te Ra'i Teitei Roa Teie Mau Faaneraa Mai.

E no reira i haapao ai te Ekalesia a Iesu Mesia i te Feia Mo'a i te Mau Mahana Hopea Nei i teie faaneraa tumu ei ture tumu no taua Ekalesia nei. E te faarirohia nei taua tuhaa ahuru nei e te Ekalesia, ei “paturaa i to te Atua mau hinaaro i te fenua nei.” Aita hoi te Atua e parahi mai i rotopu ia tatou nei no te patu i to'na mau hinaaro. O te reira ia te tumu no ta'na Ekalesia i nia iho i te fenua nei; e te faaue noa mai nei te Atua i teie nei â mau mahana, na roto i te heheuraa, ia patu i to'na mau hinaaro i te fenua nei na roto i taua tuhaa ahuru nei. O te reira ia te tumu aita, e aita roa'tu e tia i te hoê noa'tu melo o te Ekalesia a Iesu Mesia tei mau i te mana o te Autahu'araa Mo'a ia rave i te hoê tuhaa moni no te pororaa i te Evanelia i te fenua nei, mai ta Iesu i haapii mai i te Mataio 10:9-10.

E ia rave te Oremetua tei tia i te nănă a te Atua i te moni ra, E Ere Ia Oia i Ta Te Atua. Ioane 10:11-12.

Na to outou taeae i te faaroo na Marurai â Mahuru

Te Moêraa o te Ekalesia a Iesu Mesia I Nia i te Fenua Nei

(*E tuatiraa teie*)

“E ere hoi tei te *parau* te basileia o te Atua, *tei te MANA ra.*” Korinetia I, 4:20. “Aita o te taata e *mana* e noaa, *maori râ, o te horoahia mai no te ra’i ra.*” Ioane 3:27. “E aore roa e taata e rave noa i teie nei tura no’na iho, *maori râ o tei parauhia e te Atua, mai ia Aaronara,*” Hebera 5:4. “Tae maira te parau a te Atua ia Mose i te na ô raa mai e,” A faataa na oe i to tuaana ia Aaronara . . . ei rave i te teroa tahu’a i mua ia’u,” Exodo 28:1.

Na roto i te tupuraa mai o te mau haamani-ino-raa i nia i te Ekalesia i mutaa ihora, e na roto i te taparahiraahia o te mau Aposetolo tino ahuru e ma piti ra, tei riro ei *niu haamauraa* i te Ekalesia ia tahoêhia to te Ekalesia i roto i te parau mau, tupu maira te mau taata o tei hinaaro i te aratai ê atu ia ratou i roto i te mau haapiiraa haavare. (Galatia 1:6-8; Timoteo I, 4:1-3; Ohipa 20:29-30.) I te oreraa te mau Aposetolo, *aita atu e pūpū ê atu tei tia ia faatere i niaa’e i te taatoaraa a te Ekalesia.* I reira te tahi mau taata mai te mau Episekopo i te tiaraaa mai no te haru i te faatereraa o te Ekalesia. Ua faatupu ratou i ta ratou mau apooraa no te haapapu i te mau haapiiraa tumu o te Evanelia, e na roto i to ratou faatura-ore i te faanabonahoraa tei vaiibohia mai e Iesu, aita te Atua i tauturu ia ratou i roto i ta ratou mau mârôraa e ta ratou mau Matuturaa no nia i te mau haapiiraa o te Evanelia. I reira to ratou faarneraa i te mau raveraa tia mau no te mau oro’a mai te bapetizo te huru, ma te parau e, e tia i te mau huru taata atoa ia rave i te reira, mai te mea e tano ta ratou faahitiraa i te parau, e ta ratou raveraa ra, *noa’tu aita oia iho i oti i te bapetizohia.* Te tupu atoa ra te amahamaharaa i ropu i na amaa rarahi o te Ekalesia i taua

taime ra, oia hoi to te oire ra o Constantinople (Kotatinopoli) e to Roma ra. Na muri iho i te faariiraa i te bapetizoraa tei ravehia ma te mana ore, ua vai tahoê-rii-hia te Ekalesia na roto i te mau faaheporaa a te hau Roma, area râ, ua tupu noa ra te peapea i te rahiraa, e i te matahiti 1054, aita'tura e ravea faahou ia vai tahoê-faahou-hia te ekalesia i Roma e te ekalesia Kotatinopoli. O te taaraa ia, te reira na oire e piti, te tahi i te tahi, e te tiaraa mai na haapaoraa e piti ra, oia hoi te ekalesia Katorika Heleni, e te ekalesia Katorika Roma. I te matamua ra, a vai noa'i te mau Aposetolo no te tapearaa i te mau taata i roto i te faaroo boê, ua vai mau â te autahu'araa i roto i te Ekalesia. Na roto iâ i to ratou taparahiraahia e te feia iino, e na roto i to te mau taata haruraa i te faaterereraa o te Ekalesia, ua tupu te mau hape i roto i te faaterereraa o te Ekalesia. Aita hoi taua mau hape ra i faatanohia e te mau taata tei tamata i te faatere i te Ekalesia; ua ravehia te mau hara huru rau, ua maitihia te tahi o te mau toroa o te Ekalesia e te hui mana civila ra, e aita atura e ravea faahou no te tapea i te mau taata i roto i taua huru faaterereraa ra. Tamata atura te tahi mau taata maitatai i te faatitiaifaro i taua mau hape ra. Ua tamata te tahi i te faaafaro i te mau hape, a vai melo noa'i ratou i roto i taua haapaoraa ra. Te tahi râ, ua tamata ia ratou i te faatupu i ta ratou iho mau haapaoraa, ma te faarue roa'tu i te reira na haapaoraa matamua. I to Lutero ma faaruereraa i te Ekalesia Katorika Roma ra, aita atura ta taua haapaoraa ra e ravea faahou ia faahepo i te mau taata ia vai tahoêhia. Ua tamata Lutero ma, (oia hoi, ratou o Calavina, e o Zwingle e te tahi atu â mau taata) i te ho'i faahou i te faaterereraa a te Ekalesia ta Iesu i faatia, mai tei roto i te Faufaa apî. *Area râ*, no te mea *ua pohe ê na* te mau taata tei faataahia no te aratairaa i te Ekalesia, e *aita roa* te Atua e hehen mai i to'na mau hinaaro no te faaterereraa i te Ekalesia, *maori râ, i tei faataahia e te Atua*, ua patuhia ta ratou mau haapaoraa i nia

i te paari o te taata nei, na roto i to ratou tamataraa i te faa-
tere i Ta Iesu Ekalesia na roto i te tai'oraa i te Bibilia e te
feruri-noa-raa i te auraa no ta ratou i tai'o ra. (Luka 10:21;
Korinetia 1, 2; Galatia 1:11-12; Amosa 3:7) Te vai ra e
piti na mea tei tafifi roa ia ratou i to ratou tamatamataraa i
te ho'i i te faatereraa tia ta Iesu i horoa mai. A tahi: *Te
ite-ore no te raveraa i te mau oro'a e te tahi atu a mau ohipa
tumu a te Ekalesia.* A piti; *Te mana-ore no te raveraa i te
reira mau ohipa atoa.* *E Tuatihia i te ava'e i mua*

Timi Orometua

Te Mau I'oa o te Mau Taata i Faafariuhia Mai e tei
Bapetizohia e tei Faatoroahia i te Autahu'araa.

Bapetizoraa:

16 Tiunu	Jacques Pitu â Pouira	Papeete I
	Tetuaura â Pouira	Papeete I
	Miriama â Puke	Ziona
18 Tiunu	Lafi â Teua	Papeete I
	Cina â Roopinia	Papeete I
23 Tiunu	Namataarii Taraufan â Hutihuti	Papeete I
7 Tiurai	Gaston â Manarani	Vaiaau
	Martin â Manarani	Vaiaau
	Florance Vehiatua Teurnheimata â Cheung	Cumora
9 Tiurai	Jean Pierre â Matautau	Papeete I
16 Tiurai	Liline â Snow	Papeete I
	Michel Tahitua â Tupai	Papeete I

Faatoroaraa:

26 Tiunu	Haapu -- Tainoa â Noho,	Diakono
	Haapu -- Valentin Teupoorautuaiahuroa â	
	Temajana,	Diakono
3 Tiurai	Paea -- Turau â Tuia,	Haapii
17 Tiurai	Papeete I -- Iona â Teriipaia,	Peresibutero
	" Iuda â Hurupa,	Diakono
	" Hatino â Mahaa.	Tahu'a
	" Richmond Sam You,	Tahu'a
	" Robert Hanata.	Haapii
	" Temutu Maru â Hutihuti,	Haapii

Te Roo Maitai i te Haapaoraa i te Ohipa "SPORT."

I roto i te hoê oro'a tamaaraa tei faatupubhia i te oire Roto Miti, Utaha, i Marite, ua faaturahia e ua faahanahanahia te hoê o te mau taata aravihi mau (athlète) o to ratou nei auotau no to'na ra manu'a i roto i te hautiraa i parauhia "Baseball," (tairi popo). Ua pûpûhia'tu te au'a (coupe) ei tapa'o no tana manu'a ra, i tana taata nei, oia hoi, ia Vernon J. Law, e Peresibutero i roto i te Ekalesia nei. E ere râ no ta'na ohipa ana'e i roto i teie nei hautiraa (sport), no ta'na atoa râ tamauraa i te mau peu maitatai e to'na riroraa ei hi'oraa maitai i mua i te mau feia apî, mai te mau melo o te Ekalesia e tae roa'tu i to rapae atoa hoi. Ua faaite pinepine te feia faatere o te Ekalesia i to ratou mauruuru ia'na, no ta'na mau ohipa maitai, e e ere o ratou ana'e, ua pinepine atoa te mau taata faaite parau na roto i te radio, e te mau taata papai ve'a, e to'na ra mau hoa "athlète" atoa i te haamaitai ia'na, eiaha no to'na aravihi ana'e i roto i to'na ra toro'a, no to'na atoa râ tamauraa i te mau peu mâ o te oraraa paieti mau. Te parau nei oia e, te tumu rahi oia i haapao ai i teie nei mau peu maitai, o te mau haapiiraa ia tei haapiihia ia'na e to'na na metua a rave oia i te ohipa i pihaiho ia rana i roto i ta ratou faaapu. Te parau nei oia e, ua riro te autahu'araa tei horoahia ia'na ei faaitoitoraa e ei tapearaa ia'na i roto i te mau ohipa maitatai. I te tahi mau matahiti i mairi a'enei ua mau to'na metua tane i te toro'a Peresideni Amaa no te vahi ta ratou e parahi ra. I to'na apiraa, ua haapoa maitai o Vern i te mau ohipa tei horoahia ia'na i roto i te autahu'araa a Aarona, e i teie nei te mau nei oia i te Autahu'araa a Melehizedeka e te tavini noa nei â oia i te Fatu i roto i teie nei tiaraa. Te paraparau pinepine nei oia i mua i te pûpû feia apî e te mau pûpû Autahu'araa a Aarona, e te mau pûpû hoi i rapae atu i te Ekalesia, e piti e e toru taime i roto i te mau hebetoma tataihoê, e te faaite

tamau noa nei oia ia ratou i te faufaa no te haapaoraa i te mau ohipa a te Ekalesia. Noa'tu e e mea au iboâ na'na te ohipa "sport," e mea au a'e na'na ia rave i te ohipa i rotopu i te mau feia apî, ma te haapii atu ia ratou i te evanelia, i reira oia i noaa'i te oaoa mau. Ua parau te hoê o te mau feia faatere o te Ekalesia o tei tae mai i taua oro'a tamaraa ra, e na oaoa roa oia i te iteraa i teie nei taata, oia hoi ia Vern, i te haapao maitai raa i te mau ture e te mau faaueraa. Ua parau atoa maira te Aposetolo o Benson (oia hoi te taata faatere rahi no te mau ohipa faaapu i Marite) o tei matau ia Vern i to'na ra apîraa, e ua riro to'na (oia hoi to Vern) matauraa i te ohipa faaapu ei tautururaa rahi ia'na no te mea i reira to'na iteraa i te faufaa ia rave itoito i te ohipa. Ua parau atoa tana Aposetolo ra e, "*E ere i te mea maere ia'u to'na ra tamauraa i te mau haapiiraa maitai ta'na i haapii i reira, no te mea e "misionare" mau oia.*

Ua tia mai o Vern i nia e ua faaite mai i to'na mana'o; na faaite mai oia ia ratou e, ua haamaitahia oia e te Fatu no to'na haapaoraa i te mau ture o te Ekalesia, e te mau faaueraa a te Faaora. Ua parau atoa oia e, ua mauruuru roa oia mai te mea e riro oia ei taata tauturu i te tahi mau feia apî. Ua faaite mai oia e, ua haamaitai atoa mai te Fatu i ta'na vahine e to'na utuafare paatoa. Faaoti atura oia i to'na mau mana'o na roto i te faaiteraa ia ratou i to'na tiaturiraa i te evanelia mau a Iesu Mesia.

Na roto i to'u ibo matauraa ia Vern, ua ite au e, e parau mau roa ta taua mau taata ra i parau no'na, e te hinaaro nei au ia faaite atu i to'u ibo mana'o poto no nia ia Vern. Te faahiahia noa ra van i to'na here rahi i te taata, e to'na faa-oru-ore, e to'na faaite-haehaa-raa i te Evanelia mau tei faahoihia mai i teie nei anotaui, e to'na tamauraa i te hi'o noa i te mau mea maitatai ana'e i roto i teie nei ao, ma te haamoe i te mau mea ino ra, o te mau peu hoi teie o te mau taata maitai mau o te aratai nei i roto i te Ekalesia i teie nei

mahana, e i te mau tau atoa ra. Ua tano maitai ihoâ te mau parau maitai tei parauhia no nia ia'na - - - i te matamua no to'na tiaraa ei taata paieti mau, ei upoo no te hoê utuafare, e ei melo tiamâ no te Ekalesia, e te piti ra, no to'na tiaraa ei aito i rotopu i te mau taata aravihi (athlète) o teie nei tau.

Papaihia e Wiriamu Orometua

Faaauhia ei Reo Tahiti e Timi Orometua

Parau Faaite

Ua faaite mai te Peresideniraa Matamua no te Ekalesia nei na roto i te ve'a a te Ekalesia i ta ratou maitiraa e te tauiraa i te Peresideni Misioni apî no teie Misioni o Polinesia Farani nei. O Kendall W. Young (loune) to'na i'oa. E Orometua haapii tamarii oia i te oire ra Blanding i Utaha.

E Orometua poro-haere oia i te Evanelia i te fenua Farani mai te matahiti 1950, e tae noa mai i te matahiti 1952, na mua a'e i te reira ua faaea oia i na matahiti e piti i roto i te aua faehau i Farani. E tae atoa mai to'na hoa faaipoipo o tei fanauhia i Saigon Indo-Chine, e na roaa ia'na ta'na parau i te haapiiraa "Cours Universitaire de Paris" i te matahiti 1950, e ta raua na tamarii too toru ra. Teie to ratou mau i'oa o Dominique te tamahine matahiapo e 5 matahiti to'na, o Viriamu te hoê tamaroa e 4 matahiti to'na, e o Harold te tamaiti hopea e piti matahiti to'na.

Ua faaite-atoa-hia-mai i roto i taua papairaa e, e tonohia to tatou Peresideni o Iosepha e to'na utuafare i te fenua Samoa ei mono i te Peresideni misioni i reira o Charles I. Sampson o te hoi atu e to'na utuafare i to ratou fenua ai'a no te mea e, ua oti ihoa to ratou tau i taua misioni ra.

Peresideni Misioni

Te Faatiaraa i te Hoê “Menema” Monument “Tii Haamana‘oraa” No Te Faahoiraaia Mai O Te Autahu‘araa A Aarona.

I teie ava‘e Tiunu nei ua faatiabia te hoê “Menema haamana‘oraa” i pihaiho i te anavai “Susquehanna” no te haamana‘oraa i te ohipa rahi faahiahia roa tei tupu i reira i te 15 no Me i te matahiti 1829, a faabo‘ihia mai ai te Autahu‘araa a Aarona i te fenua nei. I nia iho i taua “menema haamana‘oraa” nei ua tuhia te hobo‘a no Ioane Baigetizo i te tunraa oia i taua mana Autahu‘araa ra i nia ia Iosepha Semita raua o Orive Kautere ra. Ua tarahia teie nei hobo‘a no roto mai i te vea, e ua tamauhia i nia iho i te hoê pāpā e te hoê pou ofai nehenehe e te paari roa (granit). E taeahia te teiaha o taua “menema” taata ra i te 20,000 kilo. I te 18 no Tiunu ua tairuru mai te mau melo e te mau hoa no te Ekalesia no te oro‘a tei faaterehia e te Episekopo Faatere no te Ekalesia no te faaiteraa i teie nei “menema haamana‘oraa” ia ratou, (no te reira taime, ua tapoihia ia e te hoê paruru). I reira te Episekopo Faatere e to‘na na tanturu i te oreroraa mai i te parau haamauruuru i te mau melo o te Autahu‘araa a Aarona e 60,000 tauatini te rahiraa i tera vahi e tera vahi o tei haapono i ta ratou moni no te hamaniraa i teie nei menema. Ua himene atoa mai te hoê mau taata e 250 o tei maitihia no roto mai i te meloraa o te Autahu‘araa a Aarona o te faaea nei i na tubaa mataeinaa i pihaiho i taua vahi ra.

Apokalupo 14:6.

Hi‘o atura vau i te hoê melahi i te maueraa na ropu i te reva nei; ma te evanelia e tia i te vairaia ra ei pororaa‘tu i te feia e parahi i te ao nei ra, i te mau fenua atoa, e te mau opu atoa, e te mau re‘o atoa, e te mau nunaa atoa.

PARAU RII API

Te Misioni i Farani.

Ua manuia maitai te mau orometua i te misioni i Farani, oia hoi, to tatou hau metua, i to ratou poro-haere-raa i te evanelia i teie mau ava'e i mairi a'enei.

I te haamataraa no teie matahiti 1960 nei, ua opua te mau orometua i reira ia baptizo e 400 taata hou te 4 no Tiurai. E a tae ai i tana mahana ra ua faafariuhia e ratou e ua baptizohia e ratou e 403 taata. Te faaitoito noa nei ratou ia baptizohia e 800 taata hou te hopea no teie matahiti. E maere ihoa tatou i teie parau api no te mea e, i teie matahiti i mairi a'enei e 152 ana'e iho ia taata tei baptizohia e ratou. Tei pihai iho mau â te Atua ia ratou.

Te Mau Orometua Api

I te 5 no Tiurai i mairi a'enei, ua tae mai na orometua api e toru i Papeete nei, na nia i te manu reva. Teie ia to ratou ra mau i'oa, oia hoi, o Lynn (Setephano) Hutchings, o John (Ioane) Fuhrman, e o Pierre (Petero) Koncurat.

No Utaha mai o Setephano. E taata ite roa, o Setephano, i te ohipa "sport", Ua rave mau oia i te mau ohipa "sport" mai te tueraa popo, te taputo, te motoraa, e eaha atu â mau ohipa no te hoê taata tino rahi. Ia hi'o ana'e tatou ia'na, e ite ihoa tatou e. e taata aravihi rahi oia i roto i tana ohipa ra. Ua haere râ oia i te haapiiraa teitei hou oia i tae mai ai i ô tatou nei, no te haapii i te tahi ohipa "Ingénieur", oia hoi, te ohipa hamani matini.

Ua fanauhia o Petero i te fenua "Belgique", oia hoi, i Peretita, e hoê ahuru e ma toru matahiti, e ua haere oia i te fenua Marite no te tahi haapiiraa. No to'na ite i te re'o Farani ua maitihia oia ei orometua poro haere i te evanelia no te mau fenua i Polynesia Farani nei.

No California mai o Ioane. Ua haere oia i te haapiiraa teitei e ua haamata oia i te haapii i te ohipa "Dentiste", oia hoi, te ohipa hamani niho. I muri iho ua maitihia oia ei orometua no Tahiti nei.

Ua ite maitai teie mau orometua api i te re'o Farani, e teie nei, ua tono hia'tu ratou i te vahi tei faataahia no to ratou ohipa pororaa evanelia. O Setephano tei haere i pihai-

iho ia Timi Orometua i Huahine, o Petero tei haere i pihai-
iho ia Tetira Orometua i Paea, e o Ioane tei haere i pihaiiho
ia Kê Orometua i Tahaa.

Ua tani atoa hia o Robert Orometua i Raiatea i pihaiiho ia
Tihoti. Tei Papeete o Refa, o Miritona, o Terii, e o Viria-
mu, e na orometua vahine o Frosty, o Marinera, e o Thérèse.

No reira, a faaitoito outou i roto i te ohipa a te Atua i
Polynesia Farani nei.

MIZEPA

Te Hohoa No Ta Tatou Ve'a Te Aivi i Cumora

E 421 matahiti i muriho i te fanauraa mai o te Mesia ra,
ua huna, te hoê peropheta a te Atua, i te hoê mau api auro i
roto i teie aivi i te oire Niu Yoka i te fenua Marite. E i nia iho
i teie mau api auro ua papaihia i te tuatapaparaa parau e te
huru o te mau ohipa ta te Atua i rave i rotopu i te mau taata
tei faaea i taua fenua ra i mutaa ihora. O Moroni ia, te i'oa
o te peropheta hopea tei papai i nia iho i taua mau api auro
ra, e o Moroni atoa ia tei huna i te reira mau api auro i roto
i teie aivi i parauhia, o Cumora. Ia tae i teie tau hopea nei,
ua tia te Atua i te faaho'i mai i te reira mau api auro i roto i
te rima o te hoê peropheta. I te 22 no Setepa i te matahiti
1827 ua tonono mai te Atua i te hoê ve'a mo'a no te faaite atu i
Ta'na peropheta i te vairaa no taua mau api auro ra. O Mo-
roni ia, te i'oa o taua ve'a ra tei tonohia mai no te faaiteraa i
te vairae o te mau api auro, e o Iosepha Semita te peropheta
i teie tau hopea nei tei farii i te reira. Ua riro teie parau api
auro ei Buka a Moromona na tatcu i teie nei mahara. Na
roto i te mo'a raa o te aivi ra o Cumora, ua faatiahia te hoê
tii i reira ei haamana'oraa.

Ua tano ihoa te parau i papaihia i roto i te Salamo 85:11,
i te na ô raa e, "*E tupu mai te parau mau no roto i te fenua, e
hi'o mai hoi te parau-tia mai te ra'i mai*" E mea tia atoa ia
tai'o i te tahi mau irava e vai nei i roto i te Isaia 29:1-4; 10-24.